

四庫全書

子部

欽定四庫全書

玉海卷一百六十七

宋 王應麟 撰

宮室

院上

院者取名於周垣也

唐集賢殿書院 麗正殿書院 乾元院 光

順門書院 御書院 著作院 乾元殿四部

書集賢注記 開元十八學士圖 待制

賜宴 賦詩

六典集賢殿書院開元十三年置 甄文志玄宗命左

散騎常侍昭文館學士馬懷素為修圖書使與右散騎

常侍崇文館學士褚無量整比會幸東都係開元五年乃就

乾元殿東序

即武后時東都明堂後改名

檢校又借民間異本傳錄

及還京師

六年冬

遷書東宮麗正殿置修書院於著作院

一本五年幸東都六年還京七
年於麗正殿安置為修書院

其後大明宮光順門外

十一
年 東都明福門外

十二
年

皆創集賢書院學士通籍出

入兩都各聚書四部以甲乙丙丁為次列經史子集四

庫其本有正有副軸帶帙籤皆異色以別之

開元九年冬幸東都

時集賢院四庫書總八萬二千三百八十四卷
六典云十二年駕幸東都於命婦院安置

京師集賢院開元十一年分置此院大明宮光順門

外院內東西八十步南北六十九步院中有仰觀臺

即一行師占候之所

東都集賢院明福門外大街之西對武成宮東西四

十一步南北五十八步開元十年三月始移書院於此西向開門

華清宮集賢院二十八年造在宮北橫街西羽林仗院院內東西四十八步南北五十步

興慶宮集賢院二十四年駕在東都張九齡遣魏光祿先入京造此院在和豐門橫街之南隣中書省院東西二十三步南北三十步

已上見集賢記注并會要

百官志集賢殿書院學士直學士侍讀學士修撰官掌

刊緝經籍凡圖書遺逸賢才隱滯則承旨以求之謀慮
可施於時著述可行於世者考其學術以聞凡承旨撰
集文章校理經籍月終則進課於內歲終則攷最於外
校書四人正字二人注開元五年乾元殿寫四部書置
乾元院使有刊正官四人押院中使一人知書官八人
分掌四庫書六年乾元院更號麗正修書院置使及檢
校官會要五年十一月題為麗正殿修書院以馮懷素
褚無量為使初置院皆無量處置八年正月以元
行沖充使改修書官為麗正殿學士六年十一月八年加文學直

又加修撰校理判正校勘官

馬懷素傳元行沖知麗正院奏陸紹伯等入校書由

是秘書罷撰緝而

十一年

五月

置麗正院修書學士光順

門

西京

外亦置書院十二年

會要十一年

東都明福門外亦置

麗正書院十三年改麗正修書院為集賢殿書院五品

以上為學士六品以下為直學士宰相一人知院事常

侍一人為副知院事又置判院一人押院中使一人

宗嘗選者儒日一人侍讀以質史籍疑義至是置集賢

院侍講學士侍讀學士其後又增修撰官校理官待制

官留院官知檢討官文學直之員至德二載置大學士

貞元初置編錄官四年

五月十一日李泌奏

罷大學士八年

六月十二

日陳京奏

罷校理置校書四人正字二人元和二年

七月復置

校理復開元故事罷校書正字四年集賢御書院學士

直學士皆用五品如開元故事以學士一人年高者判

院事非登朝官者為校理餘皆罷

裴垣建言

初太宗即位命

京官五品以上更宿中書門下兩省以備訪問永徽中

命弘文館學士一人日待制於武德殿西門文明元年

詔京官五品以上清官日一人待制於章善明福門先

天未又命朝集使六品以上二人隨仗待制永泰時元

三月壬辰朔勳臣罷節制無職事皆待制於集賢門凡十三

人嗣吳王祗傳云大歷時勳臣無職事待詔於院給餐錢廬舍自左僕射裴冕等十三人為之崔祐

甫為相建議文官一品以上更直待制其後著令正衙

待制官日二人獨孤及上疏曰詔書召裴冕等集賢待制以備詢問此五帝盛德也恐有容下

之名無聽諫之實杜甫奏三賦待制集賢院注記云開元二十年三月史惟則入院待制張排為集賢

判官詔綴修魏書說林擢知圖書括訪異書使張說傳說為中書令開元十

三年四月五日丙辰說因倡封禪議受詔與諸儒草儀

多所裁正帝召說與禮官學士置酒集仙殿曰朕今與

賢士樂於此當遂為集賢殿

舊紀四月
丁巳改

乃下詔改麗正

書院為集賢殿書院授說學士知院事後說罷中書令

以右丞相在集賢院專修國史

十六年二月
說兼學士

朝廷大述

作多出其手帝好文辭有所為必使視草多引天下知

名士以佐佑王化粉澤典章成一王法天子尊尚經術

開館置學士修太宗之政皆說倡之常典集賢圖書之

任始帝欲授說大學士辭曰學士本無大稱中宗崇寵

大臣乃有之臣不敢以為稱固辭乃止後宴集賢院馬植

傳云開元中麗正殿賜酒大學士張說以下十八人不知先舉者說以學士德行相先遂同舉酒故事

官重者先飲說曰吾聞儒以道相高不以官闕為先後

於是引觴同飲時服其有體中書舍人陸堅以學士或

非其人而供擬太厚無益國家議白罷之說聞曰古帝

王功成則有奢滿之失今陛下崇儒向道躬自講論詳

延豪俊則麗正乃天子禮樂之司集賢注記云麗正殿在東宮正殿崇教殿

之北光天
殿之南

所費細而所益者大陸生之言蓋未達耶帝

知遂薄堅

會要開元十三年四月五日

通鑑作四月
丙辰文同

因奏封禪儀注敕中書門下及禮官學士等賜宴於集

仙殿上曰與卿等賢才同宴於此宜改集仙殿曰集賢

殿改麗正書院為集賢院乃下詔曰仙者捕影之流朕

所不取賢者濟理之具當務其實院內五品已上為學

士六品已下為直學士中書令張說充學士知院事散

騎常侍徐堅為副

開元十年張說都知麗
正殿修書事徐堅為副

禮部侍郎賀

知章中書舍人陸堅並為學士攷功員外郎趙冬曦監
察御史咸廩業左補闕韋述李子釗陸去泰呂向拾遺
母獎太學助教余欽四門博士趙元默校書郎孫季良並
直學士太學博士侯行果四門博士敬會真右補闕馮
朝隱並侍講學士 集賢注記開元十三年三月因奏
封禪儀注敕學士等賜宴集仙殿羣臣賦詩上製詩序
時預坐者宰臣源乾曜侍中張說學士徐堅至馮朝隱
等時櫻桃新熟徧賜坐上飲以醑釀清醕之酒簾內出

彩箋令羣臣賦詩焉

其後賀知章歸老令所司供帳百官賦詩上自為序自餘著名徐嶠

王洵質徐楚璧後名安正俱為集賢學士又有尹愔陸堅鄭欽盧僕名稍著吳兢為史官撰唐書及春秋未

成後上書請畢功詔就集賢院成書

舊紀開元十三年夏四月丁巳改

集仙殿為集賢殿麗正殿書院為集賢殿書院院內五

品已上為學士六品已下為直學士 十八學士

張說知院徐堅為副賀知章陸堅趙冬曦咸廩業

韋述李子釗陸去泰呂向母暎余欽趙元默孫季

良康子元侯行果敬會真馮朝隱

一有東方顯

翰林盛事

開元中拜張說等十八人為學士於東都上陽宮舍象

亭圖象寫御贊述之

其第五有馮朝隱

翰林志開元中張說

等十七人寫真舍象亭御製贊

張說至孫季良十七人贊

康子元

傳帝嘗製贊賜說子元命工圖其象陸堅傳圖形禁

中親製贊

賀知章傳開元十三年兼集賢學士玄宗

自為贊賜之

他學士傳皆無聞

集賢注記張燕公等獻所賦

詩上各賜贊以褒美之敕曰得所進詩甚有佳妙風雅

之道斯焉可觀並據才能畧為贊述上自於五色牋八

分書之

尹鳳翔就
院付學士

張說德重和鼎功踰濟川詞林秀色翰苑光鮮

徐堅校書天祿論經上庠英詞婉麗雄辯抑揚

賀知章禮樂之司文章之苑學優藝博才高思遠

趙冬曦白簡端嚴青史良直清詞雅韻博文彊識

康子元才識清遠言談幽秘四科文學六書仁義

侯行果洪鍾竹叩明鑑不疲理窮繫象動中威儀

韋述職參山甫業纂玄成六義述作四始飛英

敬會真名乃會真迹惟契道摠衣講習臨庭振藻

趙元默才比丘明學兼儒墨叙述嫩婉講論道德

東方顥

校理

地遊天祿門嗣滑稽三冬足用六藝斯齊

李子釗干木流慶指樹貽方諷諫遺缺啓發篇章

呂向

校理

族茂非熊才高班馬考理篇籍抑揚風雅

母熨軒墀之任諫諍之職聞詩聞禮有才有識

陸去泰才光於晉價重於張州縣斯屈文翰尤長

咸麩業郁郁高文英才博識持我刑憲是稱諒直

余欽文章兩瞻才術兼美思在專經學道舊史

孫季良蓬山之秀芸閣之英雄詞卓傑雅思縱橫

十一年春於大明宮光順門外造麗正書院夏詔學士
侯行果等侍講周易莊老顏賜酒饌學士等燕飲為樂
前後賦詩奏上凡數百首上每嘉賞院中既有宰臣侍
講屢承珍異之賜燕公詩曰東壁圖書府西垣翰墨林
誦詩聞國政講易見天心前後令趙冬曦張九齡咸廡
業韋述等為詩序學士等賦詩編成卷軸以進尋敕善

寫真人貌學士等欲畫象書贊於含象亭屬車駕東行
事竟不果上初令韋無忝殷季友殷穀分貌張說等燕
公以畫不精奏進同州僧法明獨貌諸學士等圖成奏
之上稱善令藏其本於書院 自馬懷素至韋見素知
院學士及修書使前後總十一人自盧僊至敬會真開
元五年至十三年三月麗正學士及侍講修理官前後
總四十人 其年四月改院在院皆
為學士承恩者十六人 自賀知章至竇華
開元十三年四月至天寶十四載集賢院學士直學士

二十三人自韋縉至高瞻開元十三年四月迄天寶十

五載二月集賢院修撰校理待制及文學直等總五十

九人

集賢注記 其後崔鄴柳公
權蔣係為學士孔緯直學士

會要貞元四年六

月集賢院準六典有學士直學士準集賢注記有校理
待制留院入院侍講刊校修撰修書及直院等今請五
品已上為學士六品已下為直學士最高者判院事餘
並為校理從之元和二年七月集賢院奏伏準六典集
賢院置學士及校理修撰官累聖崇儒不失此制至貞

元八年判院事官陳京始奏停校理分秘書郎四員正

字兩員為集賢殿校理正字

陳京行狀云在集賢奏秘書官六員隸殿內而刊校

益理今請校書郎正字並却歸秘書省當司請依舊置校

理官庶循名實且復開元故事從之

脩撰 王仲丘 施敬本 趙冬曦 賀知章 孫季良 咸廡

業

校理 歸崇敬 鄭欽說 呂向 東方顯 蕭穎士 盧邁 徐

浩 馮定石 洪 張仲方 鄭涵

校勘 王嗣琳

校書郎 范傳正丁公著韋處厚崔郾

正字

柳宗元

已上見諸傳

開成元年四月集賢殿御書院請鑄印以御書為文

六一

五月大中六年正月大學士馬植論奏始著令三館學士

不避行臺

會要 又大和二年九月集賢院奏造昭慶門內西牆至集賢院門南廊舍三十九間

藝文志職官類韋述集賢注記三卷

述自登書府至天寶十五載凡四十

年因紀置院經始及前後學士名氏時丙申歲二月也

總集類集賢院壁記詩二

卷雜藝術類殷敷韋無忝開元十八學士圖 列傳蔣

又父將明為集賢學士張鎰以父為集賢編錄後為學

士德宗

貞元十年八年

問神策軍本末又條據甚詳宰相曰集

賢有人矣翌日制判院事 李泌加集賢殿崇文館大

學士脩國史泌建言學士加大始中宗時及張說為之

固辭乃以學士知院事至崔圓復為大學士亦引泌為

辭而止

按崔圓在泌前傳誤 會要貞元四年五月十一日泌奏張說懇辭大字衆稱達禮至德二年

崔圓為相加集賢殿大學士因循成例 望削去大字元和二年大學士武元衡

韋綬為學士

穆宗九日宴羣臣曲江綬請集賢學士得別會

長慶三年九月

陽城求為吏隸集賢院竊院書讀之

行卓

張果玄宗

邀至東都舍集賢院有詔圖形集賢院

方技

姜撫開元

未召至東都舍集賢院

方技

儒學傳序集賢院部分經

籍乾元殿博彙羣書至六萬卷

韓文秘書御府也天

子猶以為外且遠不得朝夕視始更聚書集賢殿別置

校讐官曰學士校理常以寵丞相為大學士其他學士

皆達官校理用文學者不計秩次集賢之書盛積盡秘

書所有不能處其半

唐學士院 翰林院 北門學士

官志學士之職以文字言語備顧問出入侍從因得參

議謀納諫諍其禮尤寵

北齊有文林館學士後周有麟趾殿學士皆掌書述

而翰

林院者待詔之所也唐制乘輿所在必有文辭經學之士下至卜醫伎術之流皆直於別院以備宴見而文書

詔令則中書舍人掌之

會要武德以後溫大雅魏徵李百藥岑文本等時召入草制

自太宗時名儒學士時時召以草制然猶未有名號乾

封以後始號北門學士

會要北門學士以劉禕之蘇味道元萬頃胡楚賓周思茂范履

冰等為之

貞觀末

張昌齡為北門脩撰

玄宗初置翰林待詔以張說陸堅

張九齡等為之掌四方表疏批答應和文章既又以中

書務劇文書多壅滯乃選文學之士號翰林供奉與集

賢學士分掌制詔書敕

呂向尹愔首充焉又李白東方顯

開元二十六

年又改翰林供奉為學士別置學士院專掌內命

會要太常

少卿張均起居舍人劉光謙首居之而集賢所掌於是罷息

凡拜免將相號令征伐

皆用白麻其後選用益重而禮遇益親至號為內相又以

為天子私人凡充其職者無定負自諸曹尚書下至校書郎皆得預選入院一歲則遷知制誥未知制誥者不作文書班次各以其官內宴則居宰相之下一品之上

憲宗時又置學士承旨唐之學士弘文集賢分隸中書

門下省而翰林學士獨無所屬

明皇常置者六人穆宗並用者八俊憲宗初

李吉甫裴垍同直垍草吉甫除平章事制吉甫草武元衡制禮絕之敬生於坐中明日院中使學士送至銀臺

門而相府官吏候於門外

會要翰林院者開元初置在銀臺門內

麟德殿西廂重廊之後

又云駕在興慶宮在金明門內駕在大內即在明福門內李

肇曰翰林院在少陽院南韋執誼曰在銀臺門內麟德殿西蓋天下以藝能伎術見

召之所處也學士院者開元二十六年置在翰林院之南別戶東向自建院後韓雄李白之徒並在舊翰林院中假其名而無職至德以後軍國務繁其入直者並以文詞共掌詔敕自此北翰林院始無學士之名其後又置東翰林院於金鑾殿之西隨上所在而遷見韋執誼故事舊史天子在大明宮則翰林院在右銀臺門內在興慶宮則院在金明門內若在西內則院在明福門內若東

都華清宮皆有待詔之所取其穩便大抵召入者或一
二人或三四人或五六人鴻生碩學頗列其中李肇
翰林志院在左右銀臺門之北入門直西為學士院其
北為翰林院漢制尚書郎主作文書起草更直建禮門
內明光殿神仙殿與此同凡學士無定員皆兼他官充
下自校書上至諸曹尚書皆得為之既入院與班行絕
迹亦不拘本司不繫常參守官三周為滿歲則遷知制
誥後德宗雅尚文學乘輿每幸學士院

章綬為學士德宗幸其院裴

論為學士承旨
宣宗幸其院

顧問賜賚無所不至御膳珍羞輟賜之

召對浴堂門移於金鑿殿

續翰林志德宗嘗移學士院於金鑿殿

對御起

草賦詩習射或旬日不出

寶曆二年別置東頭學士以備曲宴賦詩

元稹

承旨院記憲宗以永貞元年即位始命鄭公

綱

為之位

在諸學士上居其東第一閣乘輿奉郊廟得乘廐馬自
浴殿由內朝以從揚雞竿布大澤則丹鳳之西南隅外
賓客進見於麟德則止直禁中以俟凡大誥令大廢置
丞相之密畫內外之密奏上所注意者莫不專對他人

無得而參十七年間由鄭至杜十一人而九參大政續

居九丞相二名卿之後元稹又云院密通銀臺每旦開門使長慶元年八月十日記

勳契開鑠院中有急命即鈴索自搖錢徽為學士如承旨沈傳師為學士穆宗欲命為承旨辭曰學士院長

參天子密議次為宰相自知必不能大中間杜審權韋澳裴諡令狐絢為學士承旨乾道二年七月承旨陸辰

入相送光院錢後唐天成三年八月敕掌綸之任擢才以居或自初命而升或自顯秩而授學士入院以先

後為定唯承旨一員不計官資先後在學士之上編入翰林志韋處厚壁記曰貞元

中由此居輔弼者十有二元和中由此膺大用者十有

六韋執誼翰林院舊事學士自建置以來秩序未立

庭覲之際各趨本列洎興元元年始有別敕令朝服班

序與諸司官知制誥例同

唐會要大中初敕學士官至郎中令知制誥

韋

表徵學士院新樓記學士之登將相踐崇顯者十有八

九 續通典學士入院除中書舍人不試餘皆試麻制

荅蕃書批荅詩賦號曰試五題

韓偓金鑿密記日召入院試文五篇

吳

通元傳陸贄建言承平時工藝書畫之流皆待詔翰林

而無學士至德以來命集賢學士入禁中草書詔待進

止於翰林院因以名官

舊傳至德後召集賢學士於禁中草書詔因在翰林院待進止

遂以今四方無事制書宜歸中書舍人帝不許 崔羣
為名

傳憲宗詔學士凡奏議待羣書乃得上羣恐遂為故事

固辭 錢徽傳憲宗戒有貢獻毋入右銀臺門以避學

士白居易詔由右銀臺門入翰林院試文五篇 柳公權傳穆宗拜侍書學

士文宗復召侍書充翰林書詔學士遷承旨唐有侍書學士元和

十五年三月辛酉柳公權為之王起許康佐為侍講學士文宗有疑義即召入便殿顧問討論謂之三侍學士

顧少連傳少子師閔同止翰林院 金坡遺事開元

始建此官迄於唐季名氏可尋者二百一十人 文苑

英華天寶初李白翰林待詔因為和蕃書并上宣唐鴻

猷一篇

漢金馬有待詔之臣唐禁林有執藝之士
幹善星緯術待詔翰林 韓穎善步星軌元中

待詔 董晉拜校書郎待詔翰林

李陽冰李白集序曰天寶中召就

金馬降輦步迎如見綺皓以七寶牀賜食置於金鑿殿

出入翰林中潛草制誥人無知者 唐故事學士草制

有所改者當罷職 劉禹錫詩銀花垂院榜 晉天福

五年九月廢學士院歸中書舍人開運元年六月復置

三年賜本院書詔金印 中興書目翰林內誌一卷集

韋執誼翰林故事李肇志韋處厚丁居晦杜元穎壁記
元稹記韋表微學士新樓記為一書集者不知名翰林
舊規一卷光化中學士楊鉅雜載學士召試格及書詔
之體宿直假寧之例翰林盛事一卷唐張著撰記儒臣
盛事凡三十有八條唐志楊鉅翰林學士院舊規一卷
李肇翰林志二卷元稹學士承
旨院記丁居晦翰林後記本朝蘇易簡續
志李宗諤翰苑雜記錢惟演金坡遺事
唐虞二典商盤周誥之文垂裕萬世炳若日星誦其書
考其事想見其人而聖君賢臣之蹟雖相去千百歲後

若接於耳目之際者其書存也學士以翰墨之任號儒
林極選入則持橐殿中出則扈蹕屬車間平時從容盡
聞天子憂憫元元勞心求治之意退而載於制書鼓動
天下道人主難喻之意而復誥命於三代之文惟學足
以明古人之大體智足以達當世之要務篤實廉恥之
操足以咨諏而不疑討論潤色之才足以付託而無負
然後執筆視草發揮帝王之蘊藹然為治世之華藻播
旨四海九州之遠垂名百世之久而無窮

唐太常四院

禮院 見下

仙韶院

百官志太常寺卿一人少卿二人掌禮樂郊廟社稷之事凡藏大享之器服者四院一曰天府院藏瑞應及伐國所得之寶褹袷則陳於廟庭二曰御衣院藏天子祭服三曰樂縣院藏六樂之器四曰神厨院藏御廩及諸器龍朔二年改太常曰奉常寺武后光宅元年改太常

寺曰司禮寺

四院外既有禮院又有仙韶院皆屬太常寺以八署分理之一曰郊社二大廟三諸

陵四大樂五鼓吹六太醫七太卜八廩犧

太樂令有別教院文宗開成三年改

法曲所處院為仙韶院

周禮天府掌祖廟之守藏與其禁令凡國之玉鎮大寶器藏焉若有大祭大喪則出而陳之既事藏之為之先者以傳其所寶為榮為其後者以守其所傳為善

唐寢殿別院

高宗紀兼會要貞觀二十年太宗於寢殿側為別院使太

子居之褚遂良諫以為朋友深交者易怨父子滯愛者多愆宜許太子間還東宮近師傅以廣懿德帝從其言

十五年魏王泰移居武德殿院魏徵諫
貞觀中晉王以文德后最小子不令出閣

唐獻納院

會要垂拱二年用魚保宗言置匭四共為一室以銅鑄
之四面各依方色東曰延恩南曰招諫西曰申寃北曰
通玄出以辰前入以未後御史一人為理匭使其後同
為一匭天寶九載改曰獻納院

唐政事院

會要開元元年十二月上召宰臣謂曰從工部侍郎有

得中書侍郎者否對曰任賢用能非臣等所及上曰蘇
頴可除中書侍郎仍令宰臣宣旨移入政事院便供政
事食明日加知制誥

唐百孫院 十王宅 崇仁禮院 禮會院

紀開元十三年三月甲午徙封慶忠棣王封光儀潁

永壽延盛濟王

十二王同封 十五年琮
與十王並領節度不出閭

傳開元後

皇子幼多居禁內既長詔附苑城為大宮分院而處號

十王宅

會要先天後皇子幼則居內東封後
年漸長乃於安國寺東附苑城為十王宅

所謂慶忠

棣鄂榮光儀穎永延盛濟等十二王以十舉全數也中人押之就夾城參天子起居家令日進膳引詞學士入授書謂之侍讀壽信義陳豐恒涼七王就封亦居十宅鄂光王廢死忠王立為太子慶棣繼薨惟榮儀十四王居院而府幕列於外坊歲時通名起居既又諸孫多則於宅外更置百孫院天子歲幸華清宮又置十王宅百孫院於宮側宮人每宅四百餘百孫院亦三四十人禁中置維城庫以給諸王月奉諸孫納妃嫁女就十王宅

太子不居東宮處乘輿所幸別院太子親王公主婚嫁

並供帳於崇仁之禮院此承平制云 通鑑綱目開元

十五年夏五月作十王宅百孫院 十王宅在安國寺東 會要開

元中置禮會院於崇仁禮院 院在崇仁坊南街 開元十九年四

月四日於京城置禮會院七月二十四日詔屬司農寺

什物令有司供建中元年十一月十六日敕禮儀使與

博士及宗正卿李琬漢中王瑀光祿卿李涵約古今舊

儀及開元禮詳定公主郡縣主出降覲見之儀十一月

二日禮儀使顏真卿等奏郡縣主見舅姑請於禮會院
過事明日早執筭盛以棗栗服脩奠於舅姑席前赴光
順門謝恩駙馬加以璋郡主壻加以璧以代用馬

唐禮院

又見上

舊史開元十九年四月壬午於京城置禮院元和五年
二月戊子禮院奏東宮殿閣名及宮臣姓名與太子同
名者改之 蔣乂傳充太常禮院修撰 高銖傳博士
李慈曰故事禮院不闕白太常故卿莅職博士不參集

會要貞元九年四月置禮院修撰檢討官各一員

唐禮賓院

會要天寶十三年三月二十七日敕禮賓院令鴻臚寺

檢討大曆二年三月巳卯宴吐蕃使於禮賓院元和九年

六月乙未置禮賓院於長興里之北大中五年五月論恐

熟入朝遣左丞李景遜就禮賓院問所欲 韓愈傳上

表曰宣政一見禮賓一設 後周紀顯德二年十月癸

酉幸禮賓院

舊紀憲宗元和四年四月甲申令皇太子居少陽院
會要元和十五年十月發右神策千人於門下省東少
陽院前築牆會昌元年三月敕造靈符應聖院

唐禮部南院 選院

唐尚書省前一坊別有禮部南院即貢院也長安志曰
四方貢舉所會 省南有吏部選院亦曰南院選人看
榜之所也 會要開元二十年八月以考功貢院地置
吏部南院或謂之選院 蘇晉榜選院

唐御史三院

見官制 書目御史臺三院因話錄一卷咸通中御史
盧駢論訂三院稱謂官曹儀式百官坐次之制大和中
舒元興為臺屬所撰御史臺新造中書南院記併載於
此

唐諫院

舊紀大和九年十二月辛卯置諫院印諫院舊無印有
章疏各於本司請印人多知之至是特敕置印兼詔諫

臣論事有關機密別以狀列之 古者諫無官自公卿大夫至於工商無不得諫漢始置官

唐通玄院

官志肅宗乾元元年詔司天臺置通玄院以藝學召至

京師者居之

韓穎等
建議置

唐舍人院

常袞傳政事堂北門宰相過中書舍人院咨訪政事

唐圖譜院

見玉牒

唐宣徽院

貞元選樂工三十餘人號宣徽院長入供奉 元和八

年四月乙未罷宣徽院樂人所假官第 寶曆中以毬

工籍宣徽院 宣宗時嚴季實為北院副使 天祐二

年樞密使及宣徽南院北院並停 吏歸中書 嚴遵美曰樞

密使無聽事惟三楹舍藏書而已今堂狀帖黃決事此

楊復恭奪宰相權之失

唐待漏院

宋朝附

憲宗元和中方置待漏院於朝門外令百官朝以避風

霜舊史元和二年六月丁巳朔置百官初入待漏院

於建福門外候禁門啓入朝故事建福望仙等門昏閉

五更啓

建福門在大明宮丹鳳門東望仙門在丹鳳門西

與諸坊門同時至德

中有吐蕃囚自金吾仗亡命因敕晚開門宰相待漏於

太僕寺車坊至是始令有司各據班品置院於建福門

外會要大和七年正月戶部侍郎庾敬休奏當司未

有待漏院請於鹽鐵度支持漏院側創造 皇朝設待

漏院於丹鳳門之右示勤政也王元之作記 紹興二

年八月癸卯初置宰執已下待漏院於行宮南門之外

會要長慶元年八月於中書南置僕射祇候院大和四

年三月於門下直省院西京兆尹院東置三院御史祇

候院

唐參酌院

刑法志穆宗慎用刑每有司斷大獄令中書舍人一人參

酌而輕重之號參酌院大理少卿崔杞奏罷

唐南北供軍院

食貨志穆宗時幽鎮兩鎮用兵置南北供軍院行營軍

十五萬饋運不能給長慶率三戶奉一兵

開成初王彥威上供軍圖

用兵上黨以盧商為戶侍兼供軍使

吳武陵傳長慶初竇易直判度支

表置和糴貯備使擇郎中為之武陵諫曰西北邊院官

皆御史員外郎為之何必增吏不納 會要元和十三年

七月王遂為淄青行營供軍使

唐清思院

薛延老傳寶曆中造清思院用銅鑑三千薄金十萬餅

舊紀敬宗寶曆元年閏七月一作七月乙亥詔度支進銅三

十斤一作鏡銅金薄一作金銀薄十萬修清思院新殿及升陽殿

一作陽圖障
德殿

唐起草院

李德裕傳所居安邑里第有院曰起草亭曰精思計大

事則處其中

宋朝樞密院

陳繹西府記唐初典兵禁中以機密名官

貞觀十六年
岑文本專典

機密二十三年
李勣參掌機密

開元中設堂後五房而機密自為一司

其職祕獨宰相得知

續事始云永泰中置內樞
密使有屋三楹貯文書

貞元後

以中官分領神策而樞密之職歸北司然寄治省寺廡

下延英會議則屏立殿西中尉樞密使皆得帖黃除吏

唐末除北司并南北軍於樞密遂總天下之兵會要

唐以中官二人為使梁改為崇政院

置使判官後置副使
直學士始用士人

後唐復為樞密使

宰臣郭崇韜兼使

始有帶相印者

凡東西晉院二員

天福四年四月廢院

以印付中書委宰相分判

開運元年六月復置

宰臣維翰兼使

周顯德末魏仁浦吳廷祚為使宰相范質王溥

參知院事

國朝以樞密院與中書對持文武二柄號

為二府建隆元年趙普為副使三年十月普檢校少保

充使不帶正官自普始開寶九年二月曹彬為使領忠

武節度帶節度自此始興國四年正月癸巳石熙載僉

書院事始有僉書之名六年九月熙載為戶部尚書充

使始用文資正官淳化二年九月張遜知院溫仲舒同

知院

晉天福中桑維翰知院事

始有知院之名祥符五年王欽若陳

堯叟為使兼使相天禧四年曹瑋以僉書兼藩鎮康定

元年三月癸未詔中書別置廳於樞密院之南與樞臣

議邊事慶曆二年富弼建議宰相兼樞密使七月戊午

以宰臣呂夷簡判院事章得象兼使議者以二府體均

判總之名太重九月丙午夷簡改兼使五年十月庚辰

以邊事寧罷宰臣兼使治平三年四月始以郭逵為同

僉書院事建炎四年六月甲戌宰相范宗尹兼知院事

紹興七年正月乙酉張浚以右僕射兼使九月趙鼎以

左僕射兼使二十六年三月十三日

一云五月士寅

詔以邊事

已定依祖宗故事不兼領

紹興五年閏二月乙卯命參政孟庾沈與求兼樞樞密院

事三十二年十二月五日丁卯孝宗復詔宰相陳康伯

兼使

制云考藝祖仁宗之宏規遵建炎紹興之聖政肆令東府仍筦西樞

舊制置知院

則副使改同知院置使則復改副使熙寧元年文彥博

呂公弼為使韓絳邵亢為副陳升之三至樞府上欲稍

異其禮以為知院事於是知院與使副並置元豐四年改官制議者欲廢歸兵部上曰祖宗不以兵柄歸有司故專命官統之於是不廢上以樞密職聯輔弼非出使之官十一月甲辰乃定置知院同知院二人專以邊機兵政為職遷官府於中書省之西凡分房十曰北面河西支差在京教閱廣西兵籍民兵吏房知雜凡官四知院同知院都副承旨各一人

都承旨自興國七年四月甲子楊守一始文臣兼領

始於熙寧五年七月二十五日曾孝寬熙寧四年十月五日以編修經武要畧官王存等四人檢詳諸房文

字建炎四年置計
議官紹興十一年省
紹興七年正月二十三日詔依故事

置使副

元祐初復置僉書院事靖康初李回拜延康殿學士僉書延康今為端明遂為故事
建炎元

年六月二十一日李綱於院置賞功司四年六月范宗尹置機速房紹興二十九年九月甲午罷機速房

慶歷五年陳執中言有唐別命樞臣專主兵務五代始

令相輔亦帶使名至於國初尚沿舊制乾德以後其職

遂分

是年詔宰臣免兼樞密使
凡郡國機要依舊同商議

漢張安世領尚書事職典樞機
宋泰始中王景文為

中書令兼管內樞此其始也唐以宦官一人為樞密使

出納帝命後置二人梁開平元年五月改為崇政院後唐同光元年十月復為樞密院始用郭崇韜分中書兵房置院分秉朝政自此始崇韜以宰臣兼使又置院使一人然權侂宰相矣五代多以武臣領使宰臣知院事皇朝文武參用

宋朝學士院

兩朝志承旨不常置以院中久次者一人充學士六員掌大詔命凡大除拜晚漏上天子御內東門小殿遣內

侍召學士賜對親諭秘旨對訖鎖院門夜漏盡進制遲

明白麻出

直學士院自開寶二年十一月戊辰李昉盧多遜始權直學士院自開寶六年四月張滄

始翰林權直自乾道九年十二月崔端詩始學士院權直自淳熙五年九月端詩始

太平興國中

呂文仲為翰林侍讀寓直御書院咸平二年七月丙午

以楊徽之夏侯嶠為翰林侍讀學士邢昺侍講學士先

是侍講名秩未崇真宗首置此職班次翰林學士設直

廬於祕閣侍讀更直侍講長上

景德四年昺以侍講學士外使天禧三年張知

白以侍讀學士外使其後馮元為翰林侍講不帶學士之名又馬宗元為侍講高若訥為侍讀不加別名元豐

去翰林字及學士名元祐七年復之以命蘇軾趙彥若中興後唯紹興六年范冲為之院在宣徽

院北

凡他官未除學士謂之直院暫行文書謂之權直開寶二年十一月戊辰詔中書舍人李昉知制

誥盧多遜分直翰林院

興國元年十一月乙亥以湯

悅徐鉉直學士院張洎直舍人院七年六月甲戌以王

著為翰林侍書隸御

侍讀侍講春秋二時開延義邁英

書院唐有侍書學士

閣則執經史常日侍奉備顧問晉天福五年九月詔

廢翰林學士按唐六典歸其職於中書舍人

桑維翰復奏置學士

後學士領外司自淳化二年閏二月賈黃中等始故事學

士六貞至和元年九月王洙為第七貞學士二貞分直有

大除拜過二制而上則併召二貲謂之雙宣

一云麻詞自三而上

雙鎖命並直官分草

官制遵唐舊典不改者獨學士院而已 元

豐三年八月丙申詔於尚書省樞密院用詔報國初久
為學士官至八坐已罷職或再來直院神宗改官制後
中丞并權六曹尚書若兼內制亦止云直學士院中興
初詹又為龍圖學士猶曰權直院如正侍郎已下多帶
兼權汪藻等是也厥後程克俊等初以給舍兼權稍久
乃落權字以為恩數至正尚書則帶兼權學士胡交修

等是也

紹興五年修學士院淳熙七年趙彥中兼權直始用宗室

乾道三年洪邁奏

請自庶官遷侍從正兼直院淳熙五年十二月周必大

自翰林遷禮書乃正兼學士六年十一月遷吏書升兼

學士承旨隆興初用真宗故事輪講筵學士院官直宿

禁林每夕兩員以備宣名咨訪後止命一員遞宿學士

院舊號北門今在行宮和寧門內蓋沿北門之制地迫

皇城極窄隘院官一員分東西兩閣中曰摛文堂蓋在京

徽宗因廣直廬御書賜承旨強淵明今乃汪藻所篆高

宗嘗書玉堂二字賜學士周麟之刻石廳上 舊學士
院在樞密院之後玉堂本以待乘輿行幸非學士所得
常居唯禮上之日畧坐其東故事雙日鎖院隻日降麻
天聖元年詔隻日出宿五年中書言恐宣召不即至詔
依祥符五年故事常一員在院至和元年詔當宿學士
請告者令以次遞宿 翰林學士院印景德二年少府
監鑄 蘇易簡翰林志今二京學士院並在樞密宣徽
院之北蓋表其深嚴宥密焉 沈括筆談學士院玉堂

太宗嘗親幸唯學士上日許正坐故事堂中設視草臺

每草制則具衣冠據臺而坐今不復然

唐有視草亭

錢惟

演金坡遺事三卷序建隆庚申洎天聖丙寅四十七人

合唐五代三百一十五人建隆元年承旨一人

陶穀

學士三人

竇儼王著李昉

天子之書具別

有四曰冊制詔敕起草進畫職在內史密命中出
起唐北門

宋朝宣徽院

唐置南北院使國朝沿唐制以檢校官為之兼領節度及兩使留後闕則樞密副使一人兼領二使亦有兼樞副簽樞者有兵騎倉曹四案開寶四年七月戊午詔內侍養子宣徽院置籍九年二月以山南東道節度潘美充北院使節度領宣徽自此始八月以樞副楚昭輔權南院自後使闕多樞密使副兼之慶曆八年三月李昭亮自殿前副都指揮使遷北院使皇祐三年一云二年九月著令毋過二員後富弼以使判并州已有二員詔以邊

任權增熙寧三年郭達王拱辰在院用弼例以歐陽修
為南院使修辭四年詔位參政樞副之下九年五月拱
辰請編修條例六月命何洵直為編修官十年八月成
條例并目二十五冊元豐改制四年十一月二十一日
癸卯罷院而使猶存六年三月拱辰除安武節度
使自是使不復除元祐三年十月戊戌二十三日復置
南北院使視簽樞紹聖三年四月辛酉罷 淳化
中王延德等三人為昭宣使五年王繼恩平蜀寇

中書議以為宣徽使上曰執政之漸也朕不欲令宦官

與政八月甲午以為宣政使

序昭宣使之上命張洎等立此名

祥符

元年十二月甲辰置宣慶使以寵李神福 王延德事

二祖御筆題昭宣使授之

宋朝四書院

祖宗尊右儒術分之官書命之祿秩錫之扁榜以寵綏
之 宋有戚氏吳有胡氏魯有孫石二氏各有道德為
人師 漢初郡國往往有夫子廟而無校官且不置博

士弟子負其學士嘗課試供養與否闕不見傳記然諸
儒以明經教於其鄉率從之者數百人輒以名其家齊
魯燕趙之間詩書禮易春秋論語家名甚盛則今書院
近之矣前代庠序之教不脩士病無所於學相與擇勝
地立精舍為羣居講習之所為政者就褒表之若嶽麓
白鹿洞之類是也逮本朝慶厯熙寧之盛學校之官遂
徧天下

白鹿洞書院

唐李渤與兄涉俱隱白鹿洞後為江州刺史即洞創臺榭南唐昇元中因洞建學館置田以給諸生學者大集以李善道為洞主掌教授當時謂之白鹿國庠 宋朝

太平興國二年三月庚寅知江州周述言廬山白鹿洞學徒數千百人請賜九經書肆習詔從其請仍驛送之

五年六月己亥以白鹿洞主明起為褒信主簿賜陳裕

三傳出身

起裕以講學為業故有是命

咸平五年敕有司重修繕又

塑宣聖十哲之象祥符初直史館孫冕請以為歸老之

地皇祐五年其子琛即故址為學館十間牌曰白鹿洞之書堂俾子弟居而學焉郭祥正為記淳熙六年南康守朱熹重建為賦示學者曰明誠其兩進抑敬義其偕立允莘摯之所懷謹巷顏之攸執呂祖謙為記八年十一月二十九日賜國子監經書 至道三年八月南康達昌縣洪文撫於所居雷湖北創書舍集學者太宗飛白一軸曰義居人以賜之 江州陳氏義居至道初遣內侍裴愈就賜御書 又以百軸賜文

撫家

嶽麓書院

開寶九年潭州守朱洞始創宇於嶽麓山抱黃洞下以待四方學者作講堂五間齋序五十二間孫邁為記咸平二年潭守李允則益崇大其規模三年王元之為記曰西京首述文翁東觀先書衛颯其理蜀郡教桂陽率以庠序為先云云中開講堂揭以書樓塑先師十哲之象畫七十二賢瀟湘為洙泗荆蠻為鄒魯四年三月二

十日辛卯允則奏嶽麓山書院修廣舍宇生徒六十餘人請下國子監賜諸經釋文義疏史記玉篇唐韻從之祥符五年山長周式請於太守劉師道廣其居譚綺為記式以行誼著八年召見便殿拜國子主簿使歸教授給詔因舊名賜額仍增給中秘書於是書院之稱聞天下乾道元年帥臣劉珙重建齋為四定養士額二十人二年十一月張栻為之記淳熙十五年帥臣潘時廣二齋益額十人陳傅良為記淳祐六年賜御書嶽麓書院四

字揭之中門 書院南風雩序之下別建湘西精舍

開禧中建南嶽書院於廟側寶慶中遷於集賢峰下以
監廟兼山長 衡州石鼓山有書院起唐元和中州人
李寬所為國初嘗賜敕額淳熙十三年部使者潘時因
舊址列屋數間榜以故額宋若水益廣之朱熹為記

應天府書院

祥符二年二月二十四日庚戌詔應天府新建書院以
曹誠為助教國初有戚同文者通五經業聚徒百餘人

許闕宗度郭承範董循陳象與王礪滕涉皆其門人於是誠即同文舊居建學舍百五十間聚書千五百餘卷願以學舍入官令同文孫舜賓主之故有是命并賜院額天聖三年應天府增解額三人六年九月晏殊言請以王洙充書院說書從之明道二年十月乙未置講授官一員景祐二年十一月辛巳朔以書院為府學給田十頃 范仲淹南京書院題名記皇宋功揭日月澤注河漢金革塵積絃誦風布睢陽先生同文貢於丘園教

育為樂祥符中曹氏請以金三百萬建學於先生之廬
以舜賓幹其裕王瀆掌其教張吉甫領其綱密學繪畫
一而上真宗嘉歎面可其奏盛度文其記陳堯佐題其
榜章甫如星逢掖如雲聚學為海淬詞為鋒二十年間
儀羽臺閣蓋翩翩焉

嵩陽書院

至道二年七月甲辰賜院額及印本九經書疏祥符三
年四月癸亥賜太室書院九經景祐二年九月十五日

巳丑西京

河南府

重修太室嵩陽書院詔以嵩陽書院為

額


又至道三年五月戊辰河南府言甘露降書院講

堂

國初斯民新脫五季鋒鏑之厄學者尚寡海內向平文
風日起儒老往往依山林即閒曠以講授大率多至數
十百人嵩陽嶽麓睢陽及白鹿洞為尤著天下所謂四
書院者也

宋朝天文院

見天文



天官

玉海

三十九

玉海卷一百六十七

欽定四庫全書

子部

玉海卷一百六十八

詳校官中書臣張經田

主事臣祁韻士覆勘

總校官進士臣

朱

銓

校對官編修臣

盧

遂

謄錄監生臣

蔣

翰

欽定四庫全書

。王海卷一百六十八

宋 王應麟 撰

宮室

院 下

開寶舍人院 唐見上

院在中書制敕院內初入者有保直晉開運中楊昭儉
約舊例刻石院中開寶九年十一月張洎興國三年正

月丙申王克正直舍入院雍熙三年十月六日李沆宋

湜王化基知制誥

正員闕以正言以上至給事中知制誥中書召試制誥三篇惟梁周翰薛

映梁鼎梁億陳堯佐歐陽修不名試

西京舊有題名

石柱都汴廢咸平三年李宗諤始為石壁刻記名氏故

事知制誥上事設紫褥於庭面北拜

熙寧三年五月六

廳間長立褥之束北隅謂之壓角

日蔡延慶王益柔直舍入院至是復除元豐四年十月

二十七日鑄印以中書外省為文五年四月二十五日

正除舍人

曾鞏趙彥若陸佃

元祐初蘇轍直舍入院改為權舍

人嘉泰四年李壁直舍入院 宋庠掖垣叢志三卷載

官曹故事為十三門

太平興國崇文院 崇文院閱羣書 三館書

籍 二館 六庫書籍 祥符崇文外院

太平興國二年九月壬辰朔乙未幸新修三館賜役夫

錢有差三年二月丙辰朔成通畧庚辰詔曰國家聿新宗宇

大集羣書宜賜佳名以光策府其三館新修書院宜為

崇文院崇文院有祕閣見閣類自經始至畢工臨幸者再 按六

典武德中始置修文館貞觀建史館於禁中掌國史開

元五年乾元殿東廊寫四部書十三年改集仙殿為集賢以修書院為集賢殿書院三館之名肇於此矣自是集賢殿昭文館置大學士史館置監修國史皆以宰相兼領史館集賢修撰史館有直館檢討集賢有直院校理皆以他官領之其昭文館隸門下省史館寓集賢尚未合為一自梁徙汴都舊制未備禎明中始於今右長慶門東北小屋數十間為三館

五代時三館在右掖門內湫隘卑陋

僅庇風雨周廬微道多出其旁衛士騶卒朝夕喧雜每

受詔撰述多移他所上即位因幸故館

一本云太平興國中幸

歷覽

舊趾顧左右曰若此之陋豈所以待天下之賢俊耶即日

詔有司度左昇龍門東北車府地為三館

舊車輅院地

命中

貴人督工徒晨夜兼作其棟宇之制皆上親授自舉役

車駕凡再幸

二年九月 又三年二月辛未帝御崇文院觀羣書久之詔親王宰相迺其檢閱

三年二月丙辰朔有司奏畢功乃下詔

詔在前

輪奐壯麗

冠乎內廷近世鮮比又詔敞園苑植花木引溝水以灌

溉之西序啓便門以備臨幸盡遷西館之書分於兩廊

貯焉東廊為昭文書庫南廊為集賢書庫西廊為史館
書庫凡六庫分經史子集四部正副本凡八萬卷初乾
德中平蜀得書萬三千卷開寶中平吳得書二萬餘卷
參以舊書為八萬卷凡六庫書籍皆以類相從用雕木
為架以青綾帕覆之簡冊之府翕然一變矣

一云前列
三館後建

祕閣 是年錢俶歸
朝收書籍送館閣

是月十六日辛未帝幸新崇文院觀

羣書久之詔宰相親王恣其檢閱問難少頃召劉鉉李煜
至亦令縱觀因即中堂宴從臣盡醉而罷真宗咸平元

年十一月命內臣監秘閣圖書三館書籍二年七月甲

辰幸崇文院開書庫閱羣書登秘閣觀太宗御書賜館

閣官器幣五年七月庚戌幸三館秘閣閱四庫書賜直

閣校理器幣

並詳見
觀書類

景德四年十一月辛巳宴館閣官於

院祥符八年夏禁中火五月翰學陳彭年言唐制中書

門下兩省宮城之內有內省宮城之外有外省請於左

右掖門外建外院別置三館書庫壬辰詔於右掖門外

別置崇文外院

內院奉安太宗聖容御書天文圖書四
廊為書庫及史館日厯庫館閣官宿直

校勘抄寫雕印並於外院時內廷嚴火禁因命有司討論故事而改之

又借太清樓本補寫天聖三年成萬

七千六百卷自建隆至祥符歲

書著錄三萬六千三百八十卷

天禧元年

一云三年八月丁

亥詔崇文外院以三館為額仁宗天聖五年十月同太

后幸上曰三館書校開元四錄所失甚衆宜加求募直

史館謝泌言請依唐薛稷沈佺期武平一馬懷素人掌

一庫上嘉之命泌等分領九年十一月上以迫近市囂

非多士討論之地辛巳復遷三館於崇文院景祐中編

次崇文總目

三年十一月賜會於院

嘉祐六年十二月二十三日

壬寅賜輔臣兩制館閣官宴於崇文院宰臣韓琦以下刻石記於院之西壁先是詔置編定編校一員據崇文院總目刊正補寫至是寫校畢凡黃本六千四百九十六卷白本二千九百五十四卷上之神宗熙寧二年十一月丙寅命邢恕為崇文院校書以備訪問閏十一月

壬寅張載為之元豐五年初以崇文院為秘書省

建秘閣於中

哲宗元祐五年九月十六日復置集賢院學士紹聖二年四月三日戊辰易為集賢殿修撰徽宗政和六年四

月六日改右文

太平興國文思院

唐有文思院蓋天子內殿之比非工作之所 興國三

年志在六年始置文思院隸少府監掌工作之事有使監四人今

屬工部分上下界上金銀珠玉下銅鐵竹木青箱雜記考工記栗氏量銘曰時文思索故

工作之所熙寧三年定制監官文武各一人罷內侍

隆興二年併禮物局入焉 乾德五年十月丙辰朔置

綾錦院以處蜀工興國三年二月十六日辛未幸西

綾錦院命近臣縱觀織室機杼咸平元年九月令改織
絹

太平興國差遣院

六年九月丙午詔京朝官除兩省御史臺自少卿監已
下奉使從政於外受代而歸者令中書舍人郭贄御史
知雜滕中正戶部郎中雷德驤考勞積量才器以中書
門下缺員類能擬定引對而授之謂之差遣院

唐有
選院

案前代常參官一品以下皆曰京官今謂常參曰朝官

秘書郎而下未嘗參曰京官舊制京官有員數京朝皆屬吏部三十月為滿任校其考第赴集國初之制月限既滿停其俸而釐務者復支罷則已但不常參除授皆出中書至是與朝官悉差遣院主之淳化四年五月丁未廢差遣院令審官院總之又以判流內銓蘇易簡王旦等同兼知考課院凡常調選人流內銓主之奏舉及歷任有殿累者考課院主之并吏員省司局議者以為當

太平興國御書院

唐有集賢殿御書院皇朝太宗留意筆札即位之後募求善書許自言於公車置御書院以王著為祇候遷翰林侍書太平興國中選善書者七人為御書院祇候自是書詔筆體一變人用傳寶遠追唐室矣院在崇政殿東北橫門外內侍掌之有御書待詔祇候後遷臨華門北又遷拱宸門閭闔門內北城下 呂文仲為翰林侍讀寫直御書院祥符元年三月庚辰命給

事中張秉等宿於御書院覆考試卷 天聖五年十月

甲午上與皇太后幸御書院觀太宗真宗御書

院太宗所置在

東宮學士宋綬撰記刻石院壁

皇祐三年五月丁卯召近臣觀書於御

書院嘉祐五年正月省御書院并圖畫院待詔以下冗

員

雍熙元年置翰林圖畫院在詔東門內咸平元年徙右掖門外待詔二人藝學六人又有天文醫官院

太平興國進奏院

唐藩鎮皆置邸京師以大將主之謂之上都留後大厯

十二年五月甲寅改為上都知進奏院

會要十一日改十四年二月

四日收諸道上都知進奏院官今後不與正員
貞元六年九月收諸道進奏官印三十紐碎之 及五

代以後支郡不隸藩鎮者聽自置邸隸藩鎮者則兼掌

馬國初沿舊制皆本州鎮補人為進奏官其軍監場務

轉運司則差知後官就京師新城門裏各置進奏院總天

下之郵遞每日早集內前待漏院東廊下承受宣敕諸司文

字各就本州院發遞太平興國八年命供奉官張文舉

就相國寺行香院簡闕進奏知後官得李楚等一百五

十人並充進奏官分掌諸州罷知後官之名命張文舉

與王禮都領之始為鈐轄諸道進奏院是年十月詔於

大內側近置都進奏院踰年以石熙載宅充院

以鈐轄諸道扁

院額摹印章
率用名流

九年七月召進奏官李楚等於崇政殿擇

三十三人

會要曰
三十人

補殿前承旨始定進奏官以百二十

人為額

監官
二人

熙寧四年二月十一日詔諸道進奏院以

知銀臺司官提舉中興隸門下後省建炎四年五月二

十五日命朝奉郎盧伸監院乾道九年二月二十

一日隸門下後省

哲宗正史云進
奏院隸給事中

進奏院掌邦

國傳遽之事周官行夫其職也漢郡國有邸唐
柳宗元邠寧進奏院記凡諸侯述職之禮必有棟
宇建於京師朝覲為修容之地會計為交政之所其在
周典則皆邑以具湯沐其在漢制則皆邸以奉朝請唐
興因之則皆院以備進奏政以之成禮於是具由舊章
也皇帝十一載以朗寧王張公為能俾其建節剖符守
股肱之郡統爪牙之職董制三軍撫柔萬人乃新斯院
弘我舊規高其閤閤壯其門閤以奉王制以脩古典至

敬也以尊朝覲以率貢職至忠也執忠與敬臣道畢矣
公嘗鳴珮執玉展禮天朝又嘗伐叛獲醜獻功魏闕其餘
歸時事修常職賓屬受辭而來使旅賁奉章而上謁稽
疑於大宰質政於有司下及奔走之臣傳遽之役川流
環運以達教令大凡展采於中都率由是焉故領斯院
者必獲歷闔闔登太清仰萬乘之威而道內外之事王
宮九闕而不間轅門十舍而如近斯乃軍府之要會朗
寧之能政也惟公施德下邑而黎人咸懷設險西陲而

戎虜伏息茂功溢於太常盛烈動於人聽則斯院之設
乃他政之末者也贊公於他政之末故詞不周德稱公
於天子之都故禮不稱位斯古道也

太平興國登聞院 理檢院

唐置匭太平興國九年

即雍熙元年

七月庚申

十二日

詔改匭

院為登聞院命諫官領之東延恩匭為崇仁檢南招諫
匭為思諫檢西申寃匭為申明檢北通玄匭為招賢檢淳化

三年又置理檢院以兩省官判

淳化三年五月辛亥置理檢院於乾元門之西北廊以知

制誥錢若水領之復唐制也

今登聞院鼓司進狀人有稱寃濫沈屈

者即引送理檢院審問至道三年十一月乙酉廢理檢

院景德四年五月戊申改登聞院為登聞檢院亦置鼓

在宣德門南街東廊院在鼓院之西天聖七年上因讀

唐史乃置匱函二月癸丑以御史中丞領理檢使 中

興初置局闕門之前紹興戊寅移置雙闕之左

建炎三年隸諫院

太平興國譯經院 傳法院 乾華院

唐元和以後不復譯經

翻譯之廢載祀二百非國家通道夷貉暨聲葱雪疇能復之

乾德四年三月遣僧行勤等一百五十七人訪經西

域興國五年北天竺僧天息災與施護各持梵夾來獻

息災賜名法賢

又中天竺僧法天

開寶七年至

有意翻譯乃詔內侍

鄭守鈞於太平興國寺大殿西度地作譯經院中設譯

經堂其東序為潤文堂西序為正義堂七年

壬午

六月院

成召息災等三人入院以所貴梵本各譯一經命光祿

卿湯悅兵部郎張洎潤色法進等筆受綴文慧達等證

義

十月壬申臨幸

七月十二日息災等各上新譯經一卷詔鏤

版入藏自是取禁中梵夾藏錄未載者譯之每誕聖節

五月一日即獻新經八年改譯經院為傳法院

真宗景德二年

九月幸傳法院又置印經院十月甲申出新譯經五卷示宰相

雍熙元年九月刊新譯經論二年詔四天竺僧精通梵

語者悉館於院三年十月戊午御製新譯三藏聖教序

以冠經首令刊石御書院

雍熙二年十月丙午以天竺僧天息災等試鴻臚少卿初

詔令與張洎同譯西天梵夾而潤色之至是成六十卷以獻詔附經藏至三年十月成九十七卷戊午上親製

序賜宰相真廟祇遹先訓咸平二年七月壬寅繼作聖

李昉等

教序賜之

又著釋氏論以為戒律之書與周孔荀孟迹異道同

祥符三年九月中

天竺僧覺稱獻讚聖頌六年八月參政趙安仁等纂集

新經并所降制詔賜名祥符法寶錄

凡二十卷

丁亥御製

序賜之八年閏六月甲辰出太宗御製妙覺集五卷付

院入藏

得靈山之密印冠汾水之英辭

天禧二年九月以趙安仁所刻

禮懺禪觀法印板送院附經藏三年二月法護等請以

御製四十二章遺教經傳寫入藏四年二月祕演等請

以聖製述釋典文章箋注附大藏詔可五年十一月丁

丑以宰臣丁謂王欽若為譯經使仁宗述三寶贊以冠藏錄天聖三年十月庚午欽若兼使四年十二月丙子

夏竦上譯經音義七十卷

是書祥符九年詔趙安仁楊億等判定

景祐二

年九月法護惟淨以華梵對參為天竺字源七卷帝作序賜之六月詔史官夏竦撰傳法院碑銘十月上之序

曰自興國壬午距今乙亥五十四載其貢獻并內出梵經無慮一千四百二十八夾譯成經論凡五百六十四

卷譯者釋也交釋華梵對傳句讀辨佉樓之筆簡章

陀之辭云云詔刊石於院三年十二月詔續修法寶錄
四年四月上法寶新錄寶元二年十一月二十五日立
譯經碑銘工印賚官吏慶曆五年正月命宰臣章得象
撰御製傳法院譯經碑後記三月二十二日以傳法院
新建御書西竺聲源字母碑殿為乾華殿熙寧四年三
月廢印經院元豐元年十月三日甲辰命參政元絳參
定新編法寶錄五年七月八日丁亥罷譯經潤文使命
禮部尚書領之

初陳恕請罷
傳法院不許

乾道三年五月七日召

僧若訥對選德殿 隋志佛經一千九百五十部六

千一百九十八卷為三部曰大乘小乘雜經疑經

別為一部又有論及戒律記凡十一種 唐志釋

氏二十五家四十部三百九十五卷不著錄七十

四家九百四十一卷

又云貞觀內典錄十卷智升續內典錄一卷王彥威

內典目錄十二卷 元和三年三月辛亥惠琳撰經音目錄一百三卷 靖邁古今譯經圖記

四卷智昇續一卷

書目開皇歷代三寶記十四卷隋開皇中

費長房與劉憑為翻經學士與僧曇現彥琮等譯經於

興善寺長房因撰錄自佛生周莊王時止隋開皇十七年一千二百餘年歷以甲子記其興廢事迹及諸經翻

譯年世人名

總目二卷附

又開皇三寶錄總目一卷

僧智

升撰開元錄圓升撰正元錄圓照續正元錄天聖四年惟淨請以皇朝經總成一錄詔合三錄令續譯經律論西方東土聖賢集傳為之凡六千一百九十七卷

初祥符六

年八月趙安仁請以太宗及皇帝聖製編入東土聖賢集既成賚金帛

事始隋文以沙

門彥琮為繙經館學士

唐紀武德九年四月辛巳廢

浮屠老子法六月復之

傅弈高識傳
韓愈佛骨表

沙門玄奘翻經

太宗製聖教序高宗為太子為述聖記並勒碑銘貞元

初以誕日詔佛老大論麟德殿

文選周魯二莊親昭

夜景之鑒漢晉兩明並勒丹青之飾然後遺文間出列

刹相望澄什結轍於山西林遠肩隨乎江左

慈孝寺

銘采楹叢倚紺瓦翬飛寶網羅空金繩表道有殿中峙

實奉先朝彤雲麗幄綺棟陵歆隆準如生清輝若在祇

薦馨香疑聞磬效嚴衛岑寂靈旂往來雨華紛馥飈馭

徘徊日監孝思永錫純嘏時萬斯年在宥天下 傳法

院銘夏竦森沉天祿古經肇煥窈窳甘泉金人聳觀具偈

難解譯法肇興四絡同文五天底貢竺典歲增華經日
續液金賁字彫瓊麗軸

雍熙修史院 元祐國史院 紹興國史實錄

院 史館上見

雍熙四年九月直史館胡旦言自建隆元年至雍熙三
年實錄日歷皆未備臣按漢明帝後撰光武紀至靈帝

時成百二十七卷今東觀記是也唐太宗述國初起義紀傳表志每朝編錄至代宗成百三十卷今舊唐書是也望準漢唐故事撰紀表傳志以備將來國史詔以史

館西廡別置修史院給錢五百千為公用寫御書吏七

人供其役

旦又條追冊四祖宗室邕王宰相范質合為傳江南廣南河東西川湖南兩湖夏州為表

律歷天文地理五行禮樂刑法食貨溝洫書籍道釋為志未幾成三卷會遷知制誥罷史職以孔維李覺代之

以不稱職罷修纂

淳化五年四月癸未以李至張洎同修國史

景德四年九月辛卯修太祖太宗正史宴監修王旦等

於修史院

乙丑以路振崔遵度為修國史院編修官

壬辰令中書密院檢閱

建隆以來行事可書簡策者送院天聖九年五月乙亥

徙修史院於宣徽北院之東初修真宗史寓中書第一

廳及史成績纂會要故徙之

謂之編修院 天聖修真宗史欲重其任宰臣為提

舉參政樞副修史學士以上同修庶僚編修

嘉祐三年八月辛酉置校正醫

書局於編修院元豐四年十一月廢編修院歸史館明

年改官制日歷隸國史案修前朝國史實錄則置院云一

國史院有故則置假左散騎常侍廳為之

元祐五年十一月十三日尚書省

言舊置編修院掌國史實錄日歷元豐罷入史館今神

宗實錄將畢蓋嚴其藏詔移國史案就今置局處專掌

國史實錄編修日歷以國史院為名隸門下省明年又

置國史院脩撰兼知院事紹聖二年三月詔日歷復歸

祕省靖國元年九月移著局就實錄院脩哲宗日歷元

符三年十二月甲辰脩會要即祕省置局 紹興初實

錄國史比寓史館

先是建炎元年五月八日詔史館重修神哲實錄紹興六年正月神錄成

八年九月哲錄成

後又移於省側

別為一所

九年二月癸酉

二十日修

徽錄卽史館為實錄院置提舉一員脩撰同脩撰檢討

無定員以史館前廳為院側門通史館祕省十年二月

二十九日罷史館併於實錄院四月十九日始除范同

兼脩撰二十一日詔實錄院就編徽宗御製二十八年

七月十九日丙子詔置脩國史院在祕省門內之東修神哲徽

正史先是十年二月十三日提舉官請俟徽錄成修正史置院故有是命八月十四日庚

子命宰臣監脩侍從同脩庶僚編脩明年八月二十四

日詔宰臣提舉脩史同脩共二員編脩二員從給舍裁定也乾道二年十二

月十四日脩欽宗實錄復置實錄院以國史院官兼脩

四年四月二十二日書成併入國史院六年四月七日

重脩徽錄復置淳熙四年三月九日書成罷乾道四年六月國史

院增編脩官二員五年九月二日又增三員淳熙十五年五月二十三日復置實錄院脩高錄

監修 舊惟修日歷乾德二年正月壬寅命趙普乾興元年

命馮拯監修元豐以後宰臣不入銜紹興三年十二

月六日右相朱勝非監修唐制監修國史降制自趙普止以救除非故事也

提舉 紹興三年六月二十七日命左相呂頤浩提舉

國史二十六年五月沈該万俟卨並相分提舉監修
為二至今因之

修撰 故事史館撰日歷修撰官直官分季修纂其後
止修撰判館撰次興國中直史館趙隣幾等皆曾修
撰淳化四年翰學宋湜以修國史亦修日歷元豐七
年十一月己亥詔記注送著作所其日歷非編修官
不與

翰林學士為修國史侍從為同修庶官為編修無定員

執政權監修國史自隆興二年錢端禮始權提舉國史院自乾道元年三月虞允文始權提舉實錄院自乾道二年魏杞始庶官同修國史自隆興初胡銓始權同修國史自淳熙三年李燾始

雍熙啓聖院

又見下

二年四月己卯啓聖禪院成詔僧睿濟主之其地即晉之護聖營也天福四年上誕於其地興國中詔建為寺六年而功畢殿宇凡九百餘間皆以瑠璃瓦覆之七月

丁巳幸三年十月己酉幸

淳化審刑院

掌詳讞大理所斷繁牘而奏之以朝臣一人或二人知院
事有詳議官六人皆自館閣為之書令史十二人先是
天下案牘先定於大理覆之於刑部太宗慮法吏舞文
淳化二年八月己卯詔置審刑院於禁中以樞密直學
士李昌齡知院事凡具獄繁牘先經大理斷讞既定關
報審刑知院定成文章奏訖然後下丞相府丞相又以

開始命論決蓋重慎之至也

一云太宗以中書權太重諫官向敏中請分史房置

審官院刑房置審刑院以兩制領之是刑部設詳覆之官諸路命糾察之使

先

會要審刑

院在右掖門內掌詳讞大理所斷案牘而奏之嘉祐六

年八月戊辰徙院於右掖門西院舊在長慶門東併其

地入中書而徙之

或云淳化二年置在右掖門內或云在中書西南隅

元豐二年

二月六日以審官東院地為審刑院太常禮院地為刑

部詳斷司三年八月己亥詔審刑院官為判刑部蘇

頌記曰院舊在中書西南隅嘉祐四年徙於右掖之西

墉外

淳化審官院

東院 西院

考課院

三班院

詳見

銓選門

磨勘院

差遣院

詳見上

紀淳化三年十月戊寅始置京朝幕職州縣官攷課院

會要云磨勘京朝官院

先是雍熙二年四月以中丞

劉保勳十月右諫議雷德驥端拱元年六月左諫議劉

靖同知京

朝官考課

詔曰三攷黜陟有虞之攷典八使按行東漢

之舊章苟課最之不明於賞勸而何在應諸道知州通

判及釐務京朝官錄事判官縣令簿尉內有德行尤異

吏民畏服及居官廉恪莅事明敏獄訟無滯倉庫盈羨
寇盜剪滅部內清肅者本道轉運使各以名聞當驛召
赴闕親臨問狀增秩懋賞以旌其能其有貪猥自私臨
涖無取條狀來上當行貶斥壬午以王沔謝泌王仲華
同知京朝官考課張宏高象先范正辭同知幕職州縣
官考課魏廷式趙鎔季著同較三班院殿直上慮內外
官吏清濁混淆莫能甄別故分命沔等考校其課績以
其狀聞因行黜涉之典沔既條奏其法於是御史戈子

元郎吏張紳皆以負黜焉四年二月丙戌以考課京朝

官院為審官院幕職州縣官院為攷課院

謝泌言磨勘之名非典訓

故易之

建隆初始以戶口增耗為州縣吏歲課之升

降興國初又定三等之法以覈能否其後六年九月詔

郭贄勝中正雷德驥典其事雍熙間闕班簿欲擇用人

而患不能偏知羣才始詔德驥以羣臣功過之迹引與

俱對實錄淳化四年五月丁未以翰林學士錢若水樞

密直學士劉昌言同知審官院先是置京朝官差遣院

以別令校其殿最至是併而為一命若水等主之

淳化五年

五月戊寅親書課最之意一十餘幅以賜若水等

又以幕職州縣官考課院歸

流內銓俾承旨蘇易簡虞部王旦同領其事

從易簡唯之請也

三班無所改易

一云太宗初置京朝磨勘院差遣院

京朝官院四年二月丙戌改為審官院又太平興國中

所置差遣院至是併入院在宣德門外西北廊掌校考

京朝官之殿最分擬內外之任而奏之知院事二人書

令史七人

舊制右職升朝以上並除授於樞密院

咸平四年四月丙辰

審官院引對京朝官上親闕殿最而黜涉之熙寧三年

五月丁巳

二十日

詔以審官院為審官東院

置主簿二

別置西

院如文臣格知院官兩員專領閣門祇候以上至諸司使磨勘掌程差遣命天章閣待制齊恢為知院兵部侍郎韓縝同知仍以太常禮院治所為審官西院從參政王安石韓絳之言也省樞密院六十有二事歸之六月九日鑄印五年十二月六日知西院沈立等上新修條貫十卷總領一卷元豐五年五月改東西院為尚書左右選 雍熙四年七月庚辰置三班院

置局禁中

嘉祐八年正月癸丑徙文思院之西

舊在宣徽院內容省使廳以出入禁中非便故徙之

淳化起居院 崇政殿起居注

會要起居院國初置但關敕送史館不復撰集淳化五年始別命官掌起居注以備史官以館閣官兼掌焉四月丙戌即五日右諫議大夫史館修撰張昺言伏見聖朝編年謂之日歷惟紀報狀畧叙敕文至於聖德嘉言皇猷美事羣臣之忠邪善惡庶務之沿革弛張汗簡無聞

國經曷紀謹按六典故事起居郎掌記天子法度以修
記事之史凡記事之制必書朔日甲乙以紀歷數典禮
文物以攷制度遷拜旌賞以勸善誅罰黜免以懲惡季
終則授於國史舍人掌錄天子詔制德音修記言之史
如記事之制季終則授於國史欲望依故事請置起居
院修左右史之職以記錄為起居注每月與時政記同
送史館上覽而嘉之乃置起居院於禁中命起居舍人
史館修撰梁周翰掌起居郎直昭文館李宗諤掌起居

舍人事其修撰注記體式委周翰等檢討故事以聞是月丁酉周翰等言按禮記天子動則左史書之言則右史書之又曰左史記言右史記事言則尚書是也事則春秋是也漢武有禁中起居注自魏至晉起居之職歸著作後魏始置起居令史後周別置起居注二人北齊有起居省隋置舍人二人掌內史唐隸於門下顯慶中郎舍人分屬兩省起居注季終授史官以俟筆削請自今百官封拜除改沿革具條件報起居院以備編錄月

其所錄送史館從之仍令郎舍人更直於崇政殿以記
言動別為起居注付史官又言起居注先進御後付史
館自後授者為同修起居注天子御正殿不侍左右惟
朝會對立香案前常日遞直於崇政延和二殿行幸則
從上出入祥符六年八月庚午徙起居院於三館八年
四月移院於右掖門外西廊天禧三年十二月管起居
院事劉崇超言事當嚴密今在宮城外慮有漏泄宜依
舊制徙右掖門內從之元豐二年八月十一日丙午詔

修注官於崇政延和殿直前陳奏從王存請也

甲辰存
上言

二十四日詔諸司關報史館文字歸起居院五年四月

二十五日改為郎舍人各為廳於兩後省

景德應天院 雍熙啓聖院

見上

景德四年春二月車駕朝陵因幸西京癸酉詔太祖誕

生之地

太祖降誕於
西京山子營

建為應天院中置神御殿圖繪聖

容

天禧元年成凡九百九十
一區在西京上東門內

祥符元年命李宗諤覆視

二年賜名天禧元年五月己未命宰臣敏中奉安聖容

天聖中欲置真宗神御而難於遺太宗因以殿後齋宮
並置二殿曰三聖殿慶厯中名太祖殿曰興先太宗曰
帝華真宗曰昭考 太宗降生之地興國六年建啓聖

院

晉護聖
營也

雍熙二年成凡九百六十區在京舊城內北

隅咸平二年九月甲午奉安太宗聖容於院之新殿

天聖八年十月二十六日幸洪福院明道二年二月八
日再幸

景德禮賓院

唐見
上

在歸德坊舊有蕃驛院景德三年併入掌蕃夷朝貢互
市天禧三年三月詔禮賓院不得以外國人充通事
熙寧九年四月四日省禮賓院監官

景德登聞鼓院

檢院

見上

國初日鼓司內臣掌之鼓在宣德門南街西廡院在門
西之北廊至道三年命中舍王濟掌之始用朝臣

民有訴失

獬豸者上亦為聽決且謂推此心臨天下可以無冤民

咸平二年四月丙辰嚴封

事進入限已未選從臣張宏王旦兼知登聞院慮壅蔽

也景德四年五月戊申改鼓司為登聞鼓院

院在宣德門西之北

廊命知制誥周起領之掌諸上封受而進之以達人情

判院二人監鼓內侍二人隸司諫正言文武官無例於

閣門上封者許登聞院為登聞檢院

天禧二年正月辛亥禮部侍郎王曾

詣鼓院進狀

判檢天聖七年閏二月癸丑置理檢使以中丞為之其

登聞院匭函改為檢匣時上封者言至道三年廢理檢

院而天下冤枉朝廷得失浸不達上讀唐史見匭函故

事夏竦因請復置使領乙卯以命中丞王曙

淳化三年五月置至

道三年十一月乙酉廢

六月辛卯命晏殊等看詳轉對章疏及檢

院所上封事類次可行者以聞

元豐改制中丞始不帶理檢使

建炎元

年六月四日壬戌置院於闕門之前

行宮宮門之外一云便門從

宰臣李綱之言也三年詔隸諫院

向申理檢院名存實廢

乾道三

年六月二十一日監檢院李木請因名責實詔後省議給事中王曠等請進狀人沈屈者送中丞審問中丞闕付以次官事體重者降付臺諫閏七月十五日從之

紹興二十八年十月二十七日右正言朱倬言設敢諫之鼓置理檢之司以通下情達寃抑故實封條目鼓院

有八檢院有六外此則通封投陳初鼓院次檢院次理
檢此其序也

舜鼓 禹輶 周鼓 廣言路通下情

祥符錫慶院

祥符元年十二月二十八日一作甲寅以南衙為錫慶院以

備宴會先是酺宴集於尚書省或都亭驛誕節齊會則
就相國寺上以佛舍中烹飪優笑有虧恭潔乃令內臣
度舍宇顯敞者易之南衙即太宗尹京師府邸秦王許

王居焉後虛其正位故以為院三年十二月戊辰奉祀
官習儀於院四年九月乙未六年十月五日宴百官天
禧五年宴契丹使天聖元年以後誕節宴慶歷五年十
月癸亥宴百官皇祐二年十月宴父老治平二年正月
三日宴羣臣及契丹使並於是院

祥符南宮北宅書院

祥符三年七月壬寅詔南宮北宅大將軍已下各赴書
院講讀經史諸院十歲已上並入學受經學書委侍教

勤心誘勸

祥符御史臺三院

大中祥符五年始定御史六員之制有大夫中丞侍御史殿中侍御史監察御史主簿以侍御史為臺院殿中侍御史為殿院監察御史為察院謂之三院祥符七年九月知雜王隨請命兩制撰重修御史臺記從之

天禧元年二月丁丑初選諫官御史各六員不兼他職專掌諫爭

祥符禮儀院 天聖太常禮院

祥符六年八月庚午詔以起居院詳定所為禮儀院命

兵部侍郎趙安仁翰林學士陳彭年同知院初置詳定

所即命彭年領之以彭年修起居注故命就起居院置

局長編注詳定所自元年四月置至六年八月庚午改名禮儀院徙起居院於三館按唐制有

知禮儀院禮儀使之目自建中後唯郊祀權置禮儀使

事畢即罷國初止以禮院掌其事雍熙初議封禪特命

學士常參官扈蒙等七人同詳定儀注事畢即罷大中

祥符元年東封又命學士待制晁迥等五人與判禮院李維等三人詳定儀注事畢遂不廢至七年二月庚辰以參知政事丁謂判禮儀院而翰林學士陳彭年知院如故自是多以參政一員判院以學士丞郎諸司三品以上一員知院揭榜刻印移文他局悉以銀臺司為準所掌有四案又選判禮院官二人赴院編修其後別置院於右掖門外凡行禮所用儀仗法物有未合典禮者悉裁定制度內外書奏中書禮房所主者悉付之天聖

元年四月樞密副使張士遜言禮儀院占公人二十二
人歲費錢千七百貫詳定儀制久來屬太常寺及禮院
勾管今請停罷辛丑遂廢焉以知禮儀院翰學晏殊龍
圖閣直學士馮元為判太常禮院而同判太常禮院為
同知院明道元年五月庚辰詔太常禮院日輪知院一
人在院檢點典禮公事初知禮院薛紳言漢魏以來朝
廷大政必下禮官博士定議唐六典太常博士四人今
知院古博士職也國初同知院四員日更直本院其後

或別領職事請如故事乃下兩制議翰學馮元等言咸
平元年正月敕日輪一員在院祥符七年四月敕同判
院四員張復張嶠專主祠祭而宋綬晏殊常在禮儀院
移三館於左掖門西與禮儀院禮院相接同判院官皆
帶館職今既廢禮儀院又三館移入禁中請如紳奏康
定元年十一月禮院言奉常禮樂之司請改判院為判
寺兼禮儀事其同知院凡事先申寺然後施行乙丑改
命李仲容兼禮儀事判太常禮院吳育宋祁同判院兼

禮儀事熙寧三年五月詔以太常禮院為審官西院其
禮院歸太常寺置局四年六月二十四日以舊審刑院
為太常禮院元豐五年更官制以太常卿少領之始復
古制總局十有三

祥符嘉慶院

禮會院

見宗室類

祥符九年五月乙巳以新昌坊第一區為皇親禮會院
額曰嘉慶 景祐三年九月庚寅以潞王舊宅嘉慶院
為殿前都虞候公廨寶元元年十一月乙未以嘉慶院

為景靈宮道院熙寧初以嘉慶院為將作監

天禧納質院

天禧元年七月乙巳命府州置納質院蕃落每為寇盜慮其復叛因置是院收其子弟 景德三年九月

乙丑詔西面諸州納質院繫戎人皆編遣之 漢

質館

見上

明道諫院

端拱元年二月乙未改補闕拾遺為司諫正言天禧元

年二月丁丑置御史諫官十二人

兩省諫官六員諫院以兩省官一員

判院事其員有左右諫議大夫司諫正言御史臺置侍御史以下六員每日領一員奏事國朝承五

代之敝官失其守官職差遣離而為二今之官用以定

俸入不親職事諫議大夫司諫正言別降敕許赴諫院

供職乃曰諫官天聖九年七月甲戌右正言陳執中罷

三司度支判官諫院供職舊未有治舍明道元年

即天聖十

年七月辛卯

一作辛亥二十七日

以門下省為諫院徙舊省於右

掖門西

執中請選臣僚主判詔諫院印并公事命石中立兼領

自先朝除諫官未

嘗置院及執中為諫官屢請之置諫院自此始

真宗於門下省

置諫院御史臺別立憲官後執政畏忌而罷之天聖元年上封者請增置言職詔翰學以下各舉一員以名聞

擢諫官御史自後言職始備

慶曆三年三月癸巳命王素歐陽脩知

諫院余靖右正言諫院供職四月己酉蔡襄知諫院熙

寧八年閏四月丙午詔知諫院綴兩省班元豐用唐制

置諫官八員分左右隸兩省建炎三年七月辛卯詔諫

院別置局不隸後省許與兩省官相見議事淳熙十五

年林栗奏諫官侵御史之事願倣唐制置遺補不任糾

劾之職上命考前代本末曰若諫官專務規正雖增十

員亦可正月八日復置拾遺補闕二月八日命薛叔似

許及之

元豐正名左右散騎常侍闕不除而諫議大夫遂為諫垣之長六年十月初以趙彥若為

右諫議

淳熙十六年三月省遺補之官

真宗下詔增置十二員月責諫

疏後纔得四人諫官二人

魯宗道

御史二人

劉平

孜孜

獻替唯宗道而已

司馬光諫院題名記云天禧初詔置諫官六員責其職事

仁宗復

置諫官又得四員諫官二人

劉隨孔道輔

御史二人

曹修古王碩

天聖元年四月丁巳詔近臣舉諫官御史慶厯五年

正月乙亥復置言事御史四年八月戊午詔毋以輔臣
所薦官為諫官御史 漢諫大夫列職清近日侍人主
諫官於隋屬門下省唐初因之亦嘗屬中書省及分列
兩省夫御史諫官均任言責然御史臺在外而獨諫官
既為侍從又別兩省蓋不在政事之地則無以盡聞政
事之過差不列侍從之班則無以盡知人主之闕失元
祐元年令隔截兩省諫官別開門出入不得與給舍相
通欲以後省常侍諫議起居舍人正言廳為制敕院王

嚴叟王覲言之十二月十八日詔諫官直舍令依舊

景祐朝集院

咸平四年四月癸丑

一作癸亥

置朝集院於朱雀門外凡百

餘區以朝臣外任代還者寓逆旅故置焉尋罷景祐二

年十月辛亥朔詔曰國家分建羣臣外釐庶務每代還

於京輦或寓止於客坊稽信書於往載有朝邸之舊規

爰飭攸居用昭予眷宜於京師置朝集院三年十月甲

寅新作朝集院成詔常參官並以至闕先後為次仍令

三司御史臺檢轄之

建炎承慶院

建炎元年十二月時先朝嬪御皆至行在建承慶院以處之又置升暘宮以治兵器及服御所須之物戊辰右諫議衛膚敏上疏

紹興御書院

建炎三年罷御書院紹興十六年十一月十七日癸未復置於宮門內資善堂後隸翰林院學生試五體書祇候

試六體書藝學待詔試七體書十七年四月十七日畢
工二十年正月十七日罷御書院

歷代院名

隋

椒房 朝采 含香 春風 滋蘭 南風

大業東西 芳華 延光 承華 凝暉

麗景 飛英 流芳 耀儀 結綺 百福

萬善 長春 永樂 清暑 明德

唐

飛香 襲芳 仙居 山齋 花光 翔龍

神居

歷代房名

隋

永徽 流景

丹臺新錄所載

東華 九靈 上清 琳房 高晨寢 瓊室

玉海卷一百六十八